



UNIVERSITÄTS-
BIBLIOTHEK
PADERBORN

**Nicolai Lancicii E Societate Iesv Opvscvlorvm Spiritvalivm
Tomvs ...**

Łęczycki, Mikołaj

Antverpiae, 1650

Requisita in prima probatione Societatis Iesu. Cap. XXVI.

[urn:nbn:de:hbz:466:1-78809](https://nbn-resolving.org/urn:nbn:de:hbz:466:1-78809)

CAPVT VIGESIMVM SEXTVM.

Requisita in prima Probatione Societatis Iesu.

131. Ille benè peregrinatus primam in Societate Iesu Probationem, qui ex illa transiit ad secundam cum infra scriptis resolutionibus & fructibus in illa perceptis, ex lectione, meditatione, & instructionibus, quæ eo tempore dari solent ex Superiorum præscripto.

Primò, legit accuratè examen Societatis, & eius certas Bullas, ac Summarium Constitutionum, Regulasque communes; & ex iis memoriæ benè impressit, res præcipuas, præsertim ex Summario Regulam 8.9.10.11.12.16.17.20.21.25.28.31.32.34.36.37.40. Ex cõmunibus verò primam. 7.8.9.11.19.20.21.26.30.33.34.37.41. 42.44.

Secundò, vult resolutè & efficaciter omnes omnino seruare Regulas, præsertim paulò antè annotatas, & perseverare ad mortem in Societate.

Tertio, fecit bonam confessionem Generalem in primâ probatione iuxta examinis caput quartum. Quod si non fecit totius vitæ Confessionem generalem, eò quòd antè illam alicui è Societate fecerit, saltem in Confessione, vel extra illam (prout vult) manifestavit suo Magistro in Novitiâ præcipua peccata quæ in sæculo commisit et si non tam exactè quòd ad numerum, uti fit pro obtinendâ absolutione.

Quartò, Agnito suo malo statu in sæculo, vult satisfacere Deo pro peccatis in sæculo commissis, ideoque vult resolutè & animosè patienter ferre omnia, quæ illi in Religione molestiam adferent, vndeunque oriuntur, eò quòd videat omnia talia longè leuiora esse, & minus acerba, quàm sint Inferni aut Purgatorij pœnæ, quas meritis est per peccata in sæculo commissa. Atque ita concipit amorem crucis, declarandum in tolerandis rebus omnibus, per quas molestiam aliquam percipere possit, vel in iudicio, vel in voluntate propriâ, vel in commoditatibus & laboribus corporis discretis, vel in confusione & contemptu sui & degradatione.

Quintò, Agnitâ (in Reg. secundâ & 15. Sum.) præstantiâ finis, ad quem in Societatem vocatus est, scilicet omnimodâ perfectione suâ & aliorum enixè procurandâ, resoluit se ad fugienda omnia quæ perfectionem impediunt,

vti sunt peccata quævis & imperfectiones: & ad acquirenda & frequentanda illa quæ ad perfectionem disponunt & ducunt, vti est observatio Regularum exacta, & frequentatio mortificationum spontaneorum cum approbatione Superiorum exhibenda, & studium practicæ meditationis & examinum conscientiæ.

Sextò, Cognito fine ad quem creatus est, & mediis ad illum consequendum datis, desiderat illum quærere in omni occasione, & fugere ea quæ illum impediunt, quò minus Deo ita seruiat, & cum reuereatur ac laudet vti tenetur. Circa alia verò officia & gradus, & loca, & personas, ac occupationes indifferentes, constituit se in plenâ indifferentiâ, nihil ex se in particulari cupiens, nil detrectans, sed paratus est id acceptare, vel eo carere, quod Superior eius iudicauerit.

Septimò, Cùm sciat, & fortè experiri cœperit dæmonis tentationes non defuturas in Religioso statu, 1. præsertim in vocatione, 2. affectuum carnalium erga peccata seculi, vel erga personas inordinatè amatas, 3. auersiones animi ab aliquibus, 4. tepiditatis & somnolentiæ in perficiendis actionibus & occupationibus ordinariis, 5. occultationis peccatorum vel tentationum periculosarum, & tædiorum in Religione vel officio, & rerum mali exempli in aliis deprehensarum, & suarum necessitatum ad conseruandam corporis sanitatem necessariarum, resoluit se ad habendam semper suo Magistro apertam cõscientiam, vt nihil eum prolixius velit latere, sed omnia ita ei esse perspecta, vt ipse ea in se perspecta habet, quòd possit securius incedere & progredi in viâ Dei contra technas dæmonis.

Octauò, Cùm videat se in secundâ Probatione debere viuere cum se melioribus, vult ita viuere, vt nullum suis moribus asperis vel Regularum violatione offendant aut scandalizet: ideo proponit sibi præcipuè aliquot, vnam vel duas saltè Regulas, quas nunquam velit violare.

Qui cum his conditionibus venit ad secundam probationem, assequetur breui magnum in virtutibus profectum, si in his bonis resolutionibus perseverauerit. Nam, vt ait S. Basilius, *Qui grato animo in donis, quæ à Deo primùm accipit, studiosius seipsum exercuerit ad laudem Dei, is idoneus efficitur, cui alia dentur præterea.* Ille est enim mos Dei, qui, vt dixit S. Cæsarius, *vbi viderit deuotionem animi, ardentiorum insinuat affectum, & quantum nos apposuerimus ad diligentiam, tantum ille addet ad gloriam.*

in Moral. Reg. 58. cap. 4.

hom. 3. ad monach.

NICO-